



2. juni 2025

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

1. Naalakkersuisut siunertaraat pisussaatitaalluni soraarnerussutisiaqalernissamut katersissutit atorunnaarsissallugu?
2. Tamanna pissanngippat, taava Naalakkersuisut suna pilersaarutigivaat maannakkut aaqqissuussinermut taarsiullugu atuutsilissasoq, qanorlu piffissalersuisoqassava?

(Inatsisartunut ilaasortaq Lars Poulsen, Siumut)

Tunngavilersuut:

Pisussaatitaalluni soraarnerussutisianut katersinermut aaqqissuussaq ukiuni arlalinni atuusimavoq. Taamaakkaluartoq aaqqissuussaq taanna pillugu oqallinneq pisimavoq – ilaatigut innuttaasut nammineq aningaasaatitik aqunneranut tunngasutigut, allaffissornikkut akileraarutip procentiisa aalajangersarneqartarnerannut tunngasutigut aamma aaqqissuussap ukiunut tunngatillugu killeqarfiisa suuneri pillugit il.il. Pingaartumik inuusuttunut utoqqalilersunullu katersisussaatitaaneq apeqquuserneqartarpoq, taakkununga soraarnerussutisianut katersineq tamatigut naleqqutinngitsuusinnaammat, ilaallutittaaq ilinniartut aaqqissuussinermut ilumut ilanngutitissimaneqassanersut il.il.

Inatsisartunut kingullermik qinersinermi partii massakkut Naalakkersuisuusunut siuttunngortoq aaqqissuussap atorunnaarsinnissaa anguniarlugu qineqqusaarpoq. Taamaattumik innuttaasut akornanni soqutigineqarluinnassaaq paasissallugu, Naalakkersuisut pingaarnersiuiinermi anguniagaq piviusunngortinniarneraat. Tamatumani pingaaruteqarpoq paasissallugu Naalakkersuisut qanoq taarsiissutissanik eqqarsaatersuuteqarnersut, tamakkunatigut pilersaaruteqartoqarsimappat.

Apeqqutigineqartut ullut suliffiusut qulit iluanni akeqquneqarput.